



Pou Piblikasyon Imedya: 30/01/2021

GOUVÈNÈ ANDREW M. CUOMO

GOUVÈNÈ CUOMO MANDE AJANS ETA YO POU PREPARE RESOUS ENTÈVANSYON IJANS PLIKSE GEN TANPÈT KI PREVWA AFEKTE VIL NEW YORK, LONG ISLAND AK LOWER HUDSON VALLEY AK NÈJ, GWO VAN AK INONDASYON KOTYÈ

Yo prevwa jiska 12 pous nèt ak rafal van jiska 72 kilomèt alè ta dwe afekte zòn sid yo; yo te pibliye siveyans kont inondasyon kotyè pou Long Island ak Queens jiska lendi

Enpak potansyèl yo enkli vwayaj ki danjere, blakawout, inondasyon nan zòn kotyè ki ba

Jodi a Gouvènè Cuomo te mande ajans eta yo pou prepare resous entèvansyon ijans pliske yo prevwa tanpèt ivènal potansyèl ki pwisan pral afekte zòn sid yo ak gwo nèt ak inondasyon nan zòn kotyè yo dimanch ak lendi. Sistèm lan kapab bay jiska 12 pous nèt nan Vil New York, Long Island, ak Lower Hudson Valley ansanm ak rafal van ki evalye a 72 kilomèt alè. Inondasyon kotyè posib tou nan kèk pati nan Long Island ak Queens apati dimanch swa e kontinye jiska lendi. Baze sou previzyon aktyèl la, tanpèt la ka kreye kondisyon vwayaj ki danjere ak blakawout potansyèl akòz konbinezon gwo nèt ak rafal van, ansanm ak inondasyon nan zòn kotyè ki ba yo. Nou ankouraje Nouyòkè yo pou yo kontwole rapò meteyowolojik lokal yo epi pran anpil prekosyon si yo vwayaje.

"Yon lòt sistèm tanpèt ta dwe afekte New York avèk gwo nèt potansyèl, gwo van epi petèt inondasyon nan zòn kotyè yo", **Gouvènè Cuomo te deklare.** "Mwen deja mande ajans eta yo pou prepare tout resous entèvansyon ijans yo epi yo rete pare pou ede nenpòt nan patnè lokal nou yo ki ka bezwen èd nan jou kap vini yo. Nou pral siveye tou entèvansyon konpayi sèvis piblik yo depre pou asire ke yo rezoud nenpòt blakawout imedyatman. Pandan tan sa, mwen ankouraje tout Nouyòkè yo pou yo prete anpil atansyon ak previzyon lokal yo epi pou yo kòmanse prepare kay yo pou dènye vag move tan ivènal sa a."

Yo prevwa ke li ta dwe kòmanse fè nèt nan fen dimanch e kontinye jiska lendi swa, ak van jiska 40 kilomèt alè ak rafal jiska 72 kilomèt alè ke yo prevwa. Kèk kote nan Vil New York ak Long Island ak zòn yo nan ba Hudson lan kapab wè jiska 12 pous nèt disi lendi maten. Zòn kotyè yo nan Long Island ak Queens kapab wè inondasyon, sitou pandan mare wot la ak nan kote ki ba epi ki vilnerab yo.

Pou ou kapab jwenn yon lis konplè sou alèt ak avètisman metewolojik yo nan zòn ou an, vizite [sit entènèt](#) Sèvis Metewo Nasyonal la nan zòn ou an.

Preparasyon Ajans

Depatman Transpò (Department of Transportation, DOT)

Depatman Transpò Eta a prepare pou reponn avèk resous sa yo:

- 1,625 chasnèj
- 316 gwo chajè
- 175 chasnèj mwayen
- 52 remòk chasnèj
- 38 souflez nèj
- 19 nivlez
- 11 kamyon ak chasnèj

Anplis de sa, Depatman Transpò (Department of Transportation, DOT) a deplwaye 150 operatè chasnèj ak lòt ekipman ki soti nan lòt rejyon yo nan rejyon Mid-Hudson, Southern Tier ak Long Island pou ede avèk operasyon pou retire nèj yo.

Deplwaman yo repati konsa a:

- Rejyon Mid-Hudson lan ap resevwa 86 operatè, 10 chasnèj ak de aparèy pou soufle nèj
- Southern Tier la ap resevwa 10 operatè ak de aparèy pou soufle nèj.
- Long Island ap resevwa 54 operatè, 10 chasnèj, de aparèy pou soufle nèj, de enstriktè operatè ekipman, de mekanisyen ak yon ofisye sekirite.

Otorite Thruway (Thruway Authority)

Otorite Thruway la gen 694 sipèvizè ak operatè ki pare pou entèvni avèk 249 gwo chasnèj, 100 chasnèj mwayen ak 11 charyo remòkè ak 61 chajè toupatou atravè eta a ak plis pase 119,000 tòn sèl pou wout yo ki disponib sou plas.

Yo itilize Pano pou Mesaj Varyab (Variable Message Signs), Anons Radyo sou Otowout la (Highway Advisory Radio) ak rezo sosyal yo pou avèti otomobilis yo sou kondisyon move tan ivè pandan yo sou Thruway la.

Otorite Thruway yo ankouraje otomobilis yo telechaje [aplikasyon mobil](#) li an, ki disponib gratis sou aparèy iPhone ak Android yo. Aplikasyon an bay otomobilis yo enfòmasyon sou sikilasyon an nan tan reyèl, ansanm avèk asistans pou navigasyon pandan yo sou wout. Otomobilis yo kapab enskri tou pou imèl [TRANSalert](#) k ap bay dènye kondisyon sikilasyon yo sou Thruway la [isit la](#).

Depatman Pwoteksyon Anviwònman (Department of Environmental Conservation, DEC)

Ofisye Lapolis Pwoteksyon Anviwònman DEC yo, Gad Forè yo, anplwaye Jesyon Ijans yo, ak anplwaye rejyonal yo nan eta dalèt epi yo ap siveye sityasyon ki ap devlope a epi yo aktivman ap fè patwouy nan zòn ak enfrastrikti ki gen anpil chans pou yo sibi

dega poutèt move tan. Tout resous disponib yo prè pou ede ak nenpòt entèkansyon ijans.

Biwo Pak, Lwazi ak Konsèvasyon Istorik (Office of Parks, Recreation and Historic Preservation)

Lapolis Pak Eta New York ak anplwaye pak yo rete alète epi yap swiv depre kondisyon meteyowolik ak enpak yo. Yo ap alimante, teste epi prepare ekipman pou repons, pou fè entèkansyon nan ka tanpèt. Vizitè pak yo dwe tcheke parks.ny.gov oswa rele biwo pak lokal yo pou yo jwenn dènye nouvèl konsènan lè fonksyonman pak yo, lè ouvèti ak fènti yo.

Depatman Sèvis Piblik (Department of Public Service)

Sèvis piblik New York genyen apeprè 5,500 travayè disponib ki angaje nan evalyasyon domaj, efò entèkansyon ak restorasyon atravè Eta New York. Pèsonèl nan Depatman Sèvis Piblik la yo pral retrase travay sèvis piblik yo ap fè pandan tout evènman tanpèt la epi li pral asire ke sèvis piblik yo ap transfere pèsonèl ki apwopriye yo nan rejyon ke yo prevwa ki ka fè fas ak pi gwo enpak yo.

Otorite Enèji New York la (New York Power Authority, NYPA) ak Canal Corporation

Anplwaye Otorite Enèji New York la ak anplwaye Canal Corporation yo te fè preparasyon pou move tan yo prevwa a pou asire tout enstalasyon yo, resous yo ak ekipman yo byen sekirize epi ke yo prè. Otorite Enèji a prepare tou pou sipòte aktivite restorasyon enèji si sa nesèsè.

Lapolis Eta New York

Lapolis Eta a prepare pou li deplwaye Patwouy anplis jan sa nesèsè nan zòn ki afekte yo. Tout veyikil Lapolis Eta a ki espesyalize yo, tankou veyikil kat-pa-kat yo ak Veyikil Sèvis Piblik yo deja an pozisyon epi yo prepare pou yo reponn imedyatman. Yo te teste tout ekipman alimantasyon elektrik ak ekipman komunikasyon ijans Twoup la yo.

Otorite Transpò Metwopoliten

Pèsonèl Otorite Transpò Metwopoliten (Metropolitan Transportation Authority) travay di pou asire sekirite, sèvis fyab la kontinye atravè tanpèt ak konsekans. Anplwaye MTA yo pral pare pou pwopaje sèl ak netwaye platfòm ak eskalye nèt ak glas yo, kenbe siyal, entèriptè, twazyèm ray ap fonksyone, elimine nenpòt pyebwa ki atè ki ta ka tonbe sou wout yo, epi fè fas ak tout defi ki gen rapò ak meteyo pandan tanpèt la.

Pon ak tinèl MTA yo ap aplike yon fason pwoaktif yon entèdiksyon sou remòk traktè vid ak tandem nan 6 a.m. nan lendi. Otobis yo pral fonksyone an sèvis redwi baze sou bès pasaje yo prevwa yo. Yo pral ekipe tout otobis lokal yo tou ak chèn pou kawotchou. Yo pral ranplase otobis atikile pa otobis ki pi kout yo apati dimanch swa.

Kliyan yo ankouraje evite vwayaj ki pa nesèsè, tcheke new.mta.info pou dènye mizajou sou sèvis, ak pou itilize prekosyon ekstrèm pandan y ap navige sistèm lan, espesyalman sou platfòm ak eskalye anplennè yo. Kliyan yo tou ta dwe enskri pou sèvis alèt an tan reyèl yo atravè mesaj tèks oswa imèl. Alèt sa yo disponib tou atravè

aplikasyon MTA yo: MYmta, Metro-North Train Time ak Long Island Rail Road Train Time.

Lòt konsèy sekirite

Sekirite Ivènal

Men kèk nan konsèy ki pi enpòtan pou woule ansekirite:

- Lè tanpèt ivè yo rive, pa kondui si li pa vrèman nesèsè.
- Pran prekosyon sou pon yo paske li ka fè glas la pi vit pase sou wout yo.
- Si ou dwe vwayaje, asire ou ke otomobil ou gen materyèl pou siviv tankou lenn, yon pèl, flash ak pil anplis, rad cho anplis, yon pè chèn pou kawotchou, kab boustè pou batri, manje ki bay enèji rapid ak rad ki gen koulè klere pou sèvi kòm drapo detrès.
- Si ou gen telefòn selilè oswa lòt aparèy kominikasyon tankou yon wòki tòki disponib pou ou sèvi, kenbe batri a chaje epi kenbe l avè ou tout lè ou ap vwayaje. Si ou ta vin bloke, ou ap kapab rele pou mande èd, enfòmè sekouris yo sou kote ou ye.

Aksidan transpò yo se koz prensipal lanmò ak blesi pandan tanpèt nèj yo. Anvan w chita dèyè volan, pa bliye retire glas ak nèj ki sou machin ou an; bon vizyon se sekre pou kondui byen. Planifye pou ou kanpe epi kite plis distans ant machin yo. Rete plis an eta dalèt epi sonje konjè yo ka rann li difisil pou wè timoun piti yo. Toujou koresponn vitès ou selon kondisyon wout la epi selon meteyowolojik.

Li enpòtan pou chofè machin yo sou tout wout konnen vitès chas-nèj yo se 56 kilomèt pa èdtan, sa ki nan anpil ka pi ba pase limit vitès ki make a, pou yo ka garanti sèl yo simen an rete nan vwa sikilasyon yo epi pa dispèse andeyò wout yo. Anpil fwa sou otowout ant eta yo, chasnèj yo opere kòtakòt, kòm se fason ki pi efikas epi ki ofri plis garanti pou netwaye plizyè vwa yon sèl kou.

Chofè machin ak pyeton dwe sonje chofè chasnèj yo ka wè devan yo sou yon distans limite, epi gwosè ak pwa chasnèj yo ka fè l difisil pou manevre epi frennen touswit. Nèj chasnèj la ap soufle dèyè li ka diminye vizibilite anpil oubyen kreye yon vwal blan. Chofè machin yo pa ta dwe eseye double chasnèj yo, ni swiv yo twò pre. Kote ki gen plis sekirite pou chofè machin yo woule se lwen dèyè chasnèj yo, kote wout la klè epi gen sèl sou li.

Sekirite kont Inondasyon`

- Konn konte kote ou rete a epi non vil ki toupre yo. Yo bay avètisman sou move tan vyolan yo pa konte.
- Chèche konnen wout ki gen mwens danje a pou soti lakay ou oubyen biznis ou, pou rive sou teren pi wo ki pa gen danje sizoka ou dwe kite nan prese.
- Devlope epi pratike yon plan "evakyasyon fanmi" epi idantifye yon espas rankont si manm fanmi an vin separe.
- Fè yon lis detaye tout bagay ki gen valè tankou mèb, rad ak lòt objè pèsònèl. Kenbe lis la yon kote ki gen sekirite.

- Fè rezèv estòk ijans manje nan bwat, medikaman ak atik premye swen epi dlo potab. Estoke dlo potab nan veso pwòp ki byen fèmen
- Planifye sa w ap fè ak bèt ou gen nan kay la.
- Kenbe yon radyo pòtab, flach, batri anplis ak ekipman ijans pou fè manje sou men.
- Toujou gen gaz nan machin ou. Si kouran elektrik la koupe, estasyon gazolin ka p ap ka bay gaz pandan plizyè jou. Kenbe yon ti pwovizyon nan kòf machin ou sizoka ta gen katastwòf.
- Jwenn konbyen pye pwopriyete w la ye anlè ak anba nivo inondasyon ki posib. Lè yo fè w konnen nivo inondasyon yo prevwa, ou ka wè si ou gen risk pou inonde.
- Kenbe materyèl tankou sak sab, playwoud, fèy plastik ak bwa sou lamèn pou rezistans nan dlo nan sitiyoasyon ijans
- Kenbe twous katastwòf la sou men, avèk ladan:
 - Flach ak pil siplemantè;
 - Radyo ki fonksyone ak batri ak batri ekstra yo;
 - Twous premye swen ak manyèl;
 - Manje ak dlo pou ijans;
 - Kle ki pa elektrik pou ouvri kanèt yo;
 - Medsin esansyèl yo; ak
 - Chekye, lajan kach, kat kredi, ak kat ATM.

Pou plis konsèy sou sekirite pou tout kalite kondisyon meteyo, ale sou sit wèb DHSES la nan <http://www.dhSES.ny.gov/oem/safety-info/index.cfm>.

###

Lèt nou vèl disponib sou sit www.governor.ny.gov
 Eta New York | Chanm Egzekitif | press.office@exec.ny.gov | 518.474.8418

[ANILE ENSKRIPSYON OU](#)